

Manjinski dioničarski fond Brčko Distrikta poziva građane Distrikta da ulože svoje vaučere i certifikate u procesu privatizacije poduzeća u Distriktu

Danas je Manjinski dioničarski fond Brčko Distrikta pozvao građane Bosne i Hercegovine i entitetske privatizacione investicione fondove da prijave potraživanja po osnovu vaučera koje su u ranijem periodu uložili u poduzeća Brčko Distrikta.

Pozivaju se građani Brčko Distrikta koji nisu registrirali svoje vaučere i certifikate da ih ulože u poduzeća u Brčko Distriktu (naknadna registracija) pod uslovom da ih nisu koristili u druge svrhe, za investiranje ili otkup stanova. Vaučeri se mogu uložiti u 26 poduzeća a certifikati u 6 poduzeća. Poduzeća su navedena u listama vaučera i certifikata koje su priložene uz poziv Manjinskog dioničarskog fonda Brčko Distrikta.

Poziv je objavljen u današnjem izdanju "Dnevnog avaza" i "Glasa Srpskog" a također će biti objavljen u glasilu Vlade Distrikta "Most", "Službenom glasniku Brčko Distrikta" i na oglasnoj ploči Vlade Brčko Distrikta. U prilogu ovog poziva objavljeni su i obrasci prijave koji se mogu dobiti u Manjinskom dioničarskom fondu Brčko Distrikta, Brčko, Bulevar mira 1, tel./faks: +387 (0)49 205 993.

Prijave se moraju podnijeti Manjinskom dioničarskom fondu Brčko Distrikta najkasnije do 26.11.2002.

Ovim Pozivom omogućeno je svim građanima Brčko Distrikta da

učeštvuju u privatizaciji poduzeća u Brčko Distriktu, pod uslovom da su im certifikati i vaučeri izdati lično i da ih nisu primili od trećih lica. Naročito se vodilo računa o tome da se, koliko je to bilo moguće u okviru zakonskih ograničenja, udovolji potrebama i zahtjevima onih građana Brčko Distrikta koji još uvijek nisu uložili vaučere ili certifikate.

Na ovaj način Vlada Brčko Distrikta, OHR Brčko i Manjinski dioničarski fond čine napore da prevaziđu vrlo kompleksnu situaciju koja je nastala zbog toga što su građanima Brčko Distrikta izdati vaučeri i certifikati po različitim entitetskim zakonima. Nalogom supervizora od 19.9.2001. svim građanima Brčko Distrikta omogućeno je da pod najpravnoopravlijim mogućim uslovima učeštvuju u privatizaciji poduzeća Brčko Distrikta.

Manjinski dioničarski fond Brčko Distrikta formiran je u okviru Vlade Brčko Distrikta, Nalogom supervizora od 26.6.2002., sa zadatkom da kontroliše i upravlja 33% dionica ili poslovnih udjela u poduzećima koja se privatizuju u Brčko Distriktu sve do izdavanja stvarnih dionica privatizovanih poduzeća.

Supervizor podržava poziv Manjinskog dioničarskog fonda i poziva građane Brčko Distrikta da iskoriste svoja prava u procesu privatizacije u Brčko Distriktu.

Za više informacija, molimo da se obratite djelatniku za odnose s javnošću ureda OHR-a Brčko, Suzani Pejčić na +387 (0)49 217 666 ili na +387 (0)61 133 526.